

SARAJEVO Četverodnevni Gastro-eko festival, pod motom "Hrana sa sevdahom"

Mirisu 'bosanskog lonca' nitko nije mogao odoljeti

• Piše: F. Fazlagić
• Z.kronika@jnevni-hst.ba

SARAJEVO - Više od pedeset izlagača iz cijele Bosne i Hercegovine okupilo se na Trgu oslobođenja-Alija Izetbegović u Sarajevu kako bi doprinijeli održavanju još jednog četverodnevnog festivala koji se održava pod motom "Hrana sa sevdahom".

Miris bosanskih tradicionalnih jela, igra folklornih društava, izobilje ljekovitih preparata samo su dio ovogodišnjeg gastro-eko festivala koji je najviše u znaku približavanja narodnih običaja i folklorne baštine srednjoj Bosne.

MN: Tradicija i kultura Bosne

Prema riječima posjetitelja, ova manifestacija je najbolji način da se prikaže lje-

Na sutrašnjem zatvaranju festivala za građane osigurani besplatni čevapi

Ovom manifestacijom svi postajemo isprepleteni i povezani jer je ovo najbolji prikaz kulturnog naslijeđa, pjesme, tradicije i hrane. Naravno, imamo za cilj povećati i turističku ponudu, a ovaj festival je idealna prilika za to, kazala je Arnautović

potu, tradicija i kultura Bosne čiji se običaji i znamenitosti nikada ne smiju pustiti zaboravu. Osim svih ovih zanimljivosti na festivalu je organizirana i prodajna izložba i degustacija

gastronomске ponude organskih proizvoda i preparata od bijela i meda, a čitav festival je zamišljen kao scensko, poetsko i glazbeno kazivanje i pjevanje o bosanskoj hrani, piću, sevdahu i ljubavi. Kako nam je kazala Samira Arnautović, jedna od organizatorica manifestacije Gastro-eko fest, najbolje oslikava našu državu i sve njezine znamenitosti.

"Ovom manifestacijom svi postajemo isprepleteni i povezani jer je ovo najbolji prikaz kulturnog naslijeđa, pjesme, tradicije i hrane. Naravno, imamo za cilj povećati i turističku ponudu, a ovaj festival je idealna prilika za to. Kao što je davno

rečeno: 'Upoznaj svoju domovinu da bi je znao voljeti i cijeniti', upravo ova manifestacija pruža nam mogućnost da što bolje upoznamo što više ljudi iste kulturne naslijeđa", istaknula je Arnautović.

Ipak, najzanimljivija ponuda sajma s dva programa pod nazivom "bosanski lonac" - što sadrži i kako se spravlja tradicionalno bh. jelo? i "Dan čevapčića" - priča o sarajevskom čevapčiću. MN: Priča o sarajevskom čevapu

Tetka Zilha iz Narodne kuhinje Stari Grad za sve građane je jučer pripremila 'bosanski lonac' čijem mirisu mnogi nisu mogli odoljeti. Ovo tradicionalno jelo koje se satima krčkalo u dva zemljana lonca poslužno je svim građanima koji su posjetili sajam.

Danas će posjetitelji moći uživati u raznim specijalitetima poznate aščinice, dok će sutra kada je planirano i zatvaranje sajma od 11 do 13 sati, na oduševljenje mnogih, poznate sarajevske čevabdžinice građanima besplatno ponuditi prepoznatljive čevapčice.



Više od pedeset izlagača na Gastro-eko festivalu